



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 414
e – mail: info@voda.ba

Broj: **UP-I/25-1-40-337-5/21**

Datum: **05.10.2021. god.**

«Agencija za vodno područje rijeke Save» Sarajevo rješavajući po zahtjevu «Općine Bosanska Krupa» podnesenom za izdavanje prethodne vodne saglasnosti za uređenje obale rijeke Une u Ulici Otočkih heroja – Bosanska Otoka na području Općine Bosanska Krupa, na osnovu člana 109. stav (1) tačka 8. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99), **donosi**

RJEŠENJE

o prethodnoj vodnoj saglasnosti

1. Podnosiocu zahtjeva, Općini Bosanska Krupa daje se prethodna vodna saglasnost za uređenje lijeve obale rijeke Une koje uključuje i izgradnju objekata za zaštitu od poplava, u Ulici Otočkih heroja – Bosanska Otoka, Općina Bosanska Krupa, u dužini cca 70 m, a u postupku pribavljanja urbanističke saglasnosti.
2. Prethodna vodna saglasnost se daje na osnovu pregleda projektne i druge dokumentacije dostavljene od strane podnosioca zahtjeva i pod slijedećim uslovima:
 - 2.1. Izraditi i revidovati investiciono-tehničku dokumentaciju na nivou glavnog projekta koja treba da je urađena od strane ovlaštenog pravnog lica i revidovana od strane drugog pravnog lica, oba sa „liste A“ Ministarstva za poljoprivredu, vodoprivredu i šumarstvo, u skladu sa odredbama Pravilnika o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti („Službene novine Federacije BiH“, broj 17/08 i 38/12).
 - 2.2. Projektom dokumentacijom treba da se obuhvati tehničko rješenje uređenja obale sa objektima za zaštitu od štetnog djelovanja voda na navedenoj dionici, kao dio integralnog rješenja zaštite od velikih voda rijeke Une, a projekat između ostalog treba sadržavati:
 - Situativni prikaz, razmjere 1:1000 ili detaljnije, sa ucrtanom dionicom obuhvaćenom aktivnostima izgradnje zaštitnih objekata i uređenja obale rijeke Une na ažurnim geodetskim podlogama, uzdužnog i poprečnih profila riječnog korita urađenu na bazi geodetskih snimanja koja će se provesti za potrebe izrade ove projektne dokumentacije. Snimanje izvesti preko operativnog poligonog vlaka uz povezivanje sa državnim nivelmanom sa osiguranjem krajnjih tačaka poprečnih profila na terenu trajnim biljegama (uz položajni opis i nacrt), preko kojih će se vršiti kontrola realizacije ovih radova.
 - Tehnički opis rješenja, uz obrazloženje rješenja i pojašnjenje efekata izgradnje zaštitnih objekata, predmjer radova i odgovarajuće grafičke priloge uobičajene za nivo projekta za građenje;
 - Proračun vučnih napona u cilju određivanja načina zaštite (oblaganja) obale, krupnoće kamena za izradu gabiona koji će se koristiti i sl.;
 - Hidrauličke i hidrološke proračune na predmetnoj dionici rijeke Une za određivanje nivoa velikih voda u prirodnom i regulisanom stanju za različite rangove pojave uključujući i usvojeni nivo zaštite od velikih voda;
 - U projektnoj dokumentaciji dati rješenja uvođenja zaobalnih voda i potoka koji se pojavljuju na ovom području, te broj, raspored i izgled stabilizacionih pragova, rampi i stepenica za pristup koritu i sl.;
 - Prilikom definiranja normalnih profila uvažiti i uslove koji se odnose prije svega na izgrađenost obale, morfologiju terena, razvojno - plansku dokumentaciju, ako postoje već izgrađeni objekti zaštite od poplava, geološki sastav korita i sl.;
 - Zahvati uređenja korita moraju uvažiti postojeće imovinsko - pravne odnose i radove svesti u pojas kojim će se najmanje narušiti privatni posjedi i parcele;
 - Predmjerom radova utvrditi količine materijala koji treba ukloniti (smeće, mulj, kruti otpad, pijesak, šljunak, šibljice i dr). Bilans masa uraditi na osnovu ažurnih geodetskih podloga;
 - Zahvati uređenja korita trebaju se uklopiti u postojeći ambijent sa minimalnim narušavanjem prirodnog stanja koristeći u rješenju prirodne materijale;
 - Trebaju se uvažiti zahtjevi predstavnika lokalne jedinice samouprave u dijelu koji se odnosi na uklapanje u urbanističku i prostorno – plansku dokumentaciju;

- Projektna dokumentacija treba da bude urađena na zakonski zahtijevanom nivou za ovu vrstu radova i sadrži sve opće i tehničke elemente propisane zakonodavstvom iz ove oblasti.
3. Materijal koji ima svoju upotrebnu i tržišnu vrijednost i koji se može dalje koristiti (pijesak, šljunak) koji se može pojaviti kod uređenja korita rijeke Une i čije će se količine utvrditi u predmjeru radova iz tačke 2.2. alineja 8 ovog dispozitiva, treba obuhvatiti Ugovorom u skladu sa odredbama člana 19. stav (2) i (3) Uredbe o načinu dodjele prava za vađenje materijala iz vodotoka («Službene novine Federacije BiH», broj 58/15), ili navesti da takav materijal ne postoji na ovoj dionici.
 4. Po izradi dokumentacije iz tačke 2.1. dispozitiva ovog Rješenja, nosilac prava iz prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti. Zahtjev za izdavanje vodne saglasnosti dostavlja se u skladu sa članom 8. i 19. Pravilnika o sadržaju, obliku, uslovima, načinu izdavanja i čuvanja vodnih akata.
Uz zahtjev se, između ostalog, prilaže:
 - Investiciono - tehnička dokumentacija zahtijevana tačkom 2.1. ovog Rješenja,
 - Rješenje o urbanističkoj saglasnosti i okolinskoj dozvoli (ukoliko predmetna aktivnost podliježe obavezi pribavljanja iste) za predmetnu dionicu uređenja lijeve obale rijeke Une i dokaz o riješenim imovinsko – pravnim odnosima,
 5. Ukoliko nakon izdavanja prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, u roku utvrđenom u članu 111. stav 3. Zakona, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavjestiti ovu Agenciju, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
 6. Ovu prethodnu vodnu saglasnost će Investitor AVP Sava i korisnik Općina Bosanska Krupa koristiti u postupku dobijanja urbanističke saglasnosti i okolinske dozvole (ukoliko predmetna aktivnost podliježe obavezi pribavljanja iste) i ona definiše sve uslove koje projektna dokumentacija koja se podnosi u postupku dobijanja vodne saglasnosti i građevinske dozvole treba ispuniti sa aspekta voda u skladu sa Zakonom o vodama.
 7. Prethodna vodna saglasnost se daje sa rokom važenja od tri (3) godine od dana pravosnažnosti ovog rješenja.

O B R A Z L O Ž E N J E

Općina Bosanska Krupa putem Općinskog načelnika i nadležne službe Općine Bosanska Krupa, je dana 27.07.2021. godine podnijela zahtjev za izdavanje prethodne vodne saglasnosti za izgradnju objekata za zaštitu od poplava na rijeci Uni i uređenje korita rijeke, u naselju Bosanska Otoka u Ulici Otočkih heroja, Općina Bosanska Krupa, u dužini cca 70 m, u cilju obezbjeđenja proticajnog profila, stabilizacije lijeve obale kao i zaštite od štetnog djelovanja velikih voda.

Uz zahtjev je dostavljena i pregledana slijedeća dokumentacija:

- Statut Općine Bosanska Krupa – kopija broj: 01/V-02-7150-12a/17. od 29.09.2017. godine,
- Kopija uvjerenja o poreznoj registraciji, Porezna uprava FBiH - Kantonalni porezni ured Bihać, od 24.03.2017. godine,
- Elaborat: «Zaštite stambenih objekata od plavljenja rijeke Une u ulicama Otočkih heroja i Bihaćka u Bosanskoj Krupi», urađen od strane „IPSA Institut“ d.o.o. Sarajevo, august 2020. godine.
- Kopija katastarskog plana ur.broj: 04-26-2-22431/2021-1 K.O. Otoka 1, od 08.07.2021. godine izdato od strane jedinstvenog općinskog organa Općine Bosanska Krupa,
- Zemljišnoknjižni izvadak broj 849 – parcela 935, od 30.08.2021. god., ZK ured Općinski sud Bos. Krupa
- Zemljišnoknjižni izvadak broj 855 – parcela 934, od 30.08.2021. god., ZK ured Općinski sud Bos. Krupa
- Zemljišnoknjižni izvadak broj 858 – parcela 803, od 30.08.2021. god., ZK ured Općinski sud Bos. Krupa
- Akt Općine Bosanska Krupa kojim se traži Stručno mišljenje od nosioca izrade izmjena i dopuna prednacrtu Prostornog plana općine, Instituta za građevinarstvo „IG“ d.o.o. Banja Luka, izdat pod brojem: UP-1-04-19-1-2997/21, od 08.07.2021. godine,
- Uplatnica upravno administrativne takse za izdavanje vodnog akta PVS,

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i člana 21. Pravilnika o sadržaju, obliku, uslovima,

načinu izdavanja i čuvanja vodnih akata („Službene novine Federacije BiH“, broj 31/15, 55/19 i 41/20) o zahtjevu je dana 17.09.2021. godine obaviještena javnost putem obavještenja na oglasnoj ploči «Agencije za vodno područje rijeke Save» Sarajevo – ured u Bihaću, te dana 21.09.2021. godine u dnevnom glasilu „OSLOBOĐENJE“. U datom roku nije bilo pisanih izjašnjenja o predloženim aktivnostima iz zahtjeva.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na režim voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 2. dispozitiva rješenja, shodno odredbama Zakona o vodama i odredbama Pravilnika o sadržaju, obliku, uslovima, načinu izdavanja i čuvanja vodnih akata, propisani uslovi koje je dužan ispuniti prilikom izrade projektna dokumentacije koja će Investitoru biti potrebna u postupku pribavljanja vodne saglasnosti i odobrenja za građenje.

U provedenom postupku konstatovano je slijedeće:

- Aktivnost za koju je podnesen zahtjev za izdavanje prethodne vodne saglasnosti je izgradnja objekata za zaštitu od poplava u naselju Bosanska Otoka u Ul. Otočkih heroja, u dužini cca 70 m, na području općine Bosanska Krupa;
- Izgradnjom zaštitnih vodnih objekata na predmetnoj dionici obezbjeđuje se proticajni profil, stabilizacija lijeve obale vodotoka Une i sprječava štetno djelovanje voda;
Predmetna aktivnost obrađena je projektnom dokumentacijom: Elaborat: «Zaštite stambenih objekata od plavljenja rijeke Une u ulicama Otočkih heroja i Bihaćka u Bosanskoj Krupi», urađen od strane „IPSA Institut“ d.o.o. Sarajevo, august 2020. godine.

Navedena aktivnost je planirana važećim Planom i finansijskim planom za 2021. godinu AVP Sava (druge izmjene plana), pod oznakom C.1.50.

Na osnovu priložene tehničke dokumentacije utvrđeno je da se u svrhu smanjenja opasnosti od nastanka šteta od poplava i šteta nastalih erozionim procesima na obalama rijeke Une, u Bosanskoj Krupi, na osnovu člana 109. stav (1) tačka 8., a u vezi sa članom 111. Zakona o vodama («Službene novine FBiH», broj 70/06) i člana 17., stav (1), tačka 9. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH» broj 31/15), valjalo rješiti kao u dispozitivu ovog rješenja.

UPUTA O PRAVNOM LIJEKU:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih taksi.

Voditelj postupka
Fuad Mujagić, dipl.inž.

Prilog:

Elaborat: « Zaštite stambenih objekata od plavljenja rijeke Une u ulicama Otočkih heroja i Bihaćka u Bosanskoj Krupi», urađen od strane „IPSA Institut“ d.o.o. Sarajevo, august 2020. godine, AVP Sava biblioteka 1, Inv.br.2719/I-2 .

**Po ovlaštenju
Rukovodilac sektora za izdavanje
vodnih akata**


Haris Ališehović, dipl.inž.građ.

Dostaviti:

- „Općina Bosanska Krupa“, Terzića bb, Bosanska Krupa 77240;
- «Agencija za vodno područje rijeke Save», Sektor 30 (Prilog);
- ☞ AVP Sava, ISV-vodna knjiga – ovdje;
- Arhiva – ovdje;
- AVP Sava – Oglasna ploča